

文

選

箋

證

文選箋證卷六

聚學軒叢書第五集

續溪胡紹煥學

貴池劉世珩校刊

吳都賦

劉逵注

東吳王孫駸然而哈

注善曰駸勅忍切旁證云何校駸改駸陳同是也各本皆誤紹煥按古展聲辰聲並近小雅車牽辰彼傾女列女傳作展本書西京賦隱隱展展薛注丁謹切與賑引軫爲韻廣韻駸笑貌集韻駸然笑貌作駸莊子桓公駸然而笑亦作駸駸與駸古通不煩改字哈與改同廣雅改笑也玉篇改呼來切笑不壞顏也

玉牒石記

注善曰說文曰謀札也牒與謀同按正文當作謀注引說文牒故云牒與謀同今正文及注皆誤書多借謀爲牒

齟齬而算願亦曲土之所歎也旁魄而論都抑非大人之壯觀也

攷異曰旁魄而論與上齟齬而算偶句各四字不當偏贅一字王氏念孫曰齟齬而算下當有地字齟齬而算地旁魄而論都相對爲文劉逵云言算量蜀地亦是曲僻之士則算下原有地字明矣紹煥按算蜀地與論西都皆注中申明正文故特添設地字都字耳王氏謂脫一地字蓋因與下句不相對故云實則

正文都字涉注誤加攷異以爲衍文說較直截潘氏
耒曰都字衍涉論都而誤耳

安可以儺王公而著風烈也

攷異曰儺當作麗著當作奢劉注麗著也引易麗王
公也善注奢靡也引敝化奢麗皆可證銑注作儺作
著遂以五臣亂善與注不相應矣紹煥按易麗王公
也今作離釋文音麗鄭作麗劉引從鄭本也

未知英雄之所躔也

注善曰方言曰躔厯行也王氏念孫曰善以躔爲厯
行非也躔居也英雄之所居謂吳都也善月賦注引
韋昭漢書注曰躔處也處亦居也方言麇尻也東齊

海岱之間曰塵孟康注漢書王莽傳曰纏居也塵纏纏字異而義同紹煥按纏與上蟠字對言英雄之居上邦猶蠡龍之蟠珠淵耳

蓋端委之所彰

注劉達曰左氏傳曰太伯端委以治端委禮衣委貌謂冠袖長而裳齊委至地也按端委猶委端穀梁僖三年傳桓公委端注委委貌之冠也蓋以委曲有貌故曰委貌亦單曰委諸書皆指冠言不謂裳也左昭元年傳吾與子弁冕端委服虔注文德之衣尙褻長故曰委劉注裳齊委至地之說沿是而誤

由克讓以立風俗

按六臣本無俗字校云五臣作俗此誤衍一字

故其經略

注劉逵曰左氏傳曰天子經略土地定域國制諸侯略分界也今左昭七年傳芋尹無宇曰天子經略諸侯正封古之制也無土地以下十二字按注疑有脫誤當爲天子經略此引左氏傳文也下土字上有經字經土地定域國制諸侯略分界也四句乃劉申明經略二字之義梁氏玉繩督記疑爲左氏逸文恐非旁證謂出左傳古注亦無佐證

包括于越

注善曰漢書曰戎狄之與于越不相入也音義云于

南方越名也春秋傳曰于越入吳杜預曰于越發語
聲按賦文本作干越音干戈之干干越與蠻荆相對
爲文干江干也吳潁江故謂吳爲干史記春申君傳
而不知干隊之敗正義曰干隊吳地名索隱曰干水
邊也管子小問篇昔者吳干戰房注云干江邊地是
也王氏讀書雜誌漢書條云干越者吳越也墨子兼
愛篇以利荆楚干越與南夷之氏莊子刻意篇夫有
干越之劍者釋文司馬云吳越出善劍也荀子勸學
篇干越蠻夷之子楊倞注干越猶言吳越淮南原道
篇干越生葛絺高注干吳也是干越卽吳越學者多
見於越少見干越故諸書之于越或改爲于越

目龍川而帶垌

注善曰漢書南海有龍川縣南越志縣北有龍穴山
舜時有五色龍乘雲出入此穴按穴在洞庭傍郡國
志云循州有龍穴潛通於海傍於洞庭吳都賦云目
龍川而帶垌是此也

忽有流而爲長

善忽無音篇韻亦不載惟見於集韻胡弄切音總按
此壞體總字或作忽故誤忽爲忽而丁度采之非古
也

王鮪鰕鮐

注劉逵曰鰕鮐魚如科斗大者尺餘腹下白背上青

黑有黃文性有毒雖有獺及大魚不敢啖之蒸煮餒
之肥美豫章人珍之北山經赤鯪郭注今名鯪鮓爲
鮪音圭按鮪爲鯪鮓之合聲鮓一作鯪玉篇鯪鮓鮓
也廣雅鯪鮓鮪也疏證謂河豚善怒鮪之言恚鮪之
言訶皆其義

鯪鮓鮪

注劉達曰鮪有橫骨在鼻前如斤斧形東人謂斧斤
之斤爲鮪旁證云段校鯪作印鮪作鮪注同云廣韻
鮪廣刃斧也一切經音義引薛琬異物志正作鮪紹
煥按注斤當爲刃廣韻可證

烏賊擁劍

注劉達曰烏賊魚腹中有藥擁劒蟹屬從廣二尺許有爪其螯偏大按南越記曰御覽九百二十烏賊魚常自浮水上烏見以爲死便取之乃卷取烏故謂之烏賊魚今烏化爲魚據此則字當作賊說文作魮疑方語不同又杜寶大業拾遺錄擁劒似蟹而小一螯偏大吳都賦所謂烏賊擁劒者也然似蟹而小則非從廣二尺許矣廣志亦云方二寸疑劉注二尺許尺爲寸字之誤

龜鼈鯖鰐

按鰐亦作鱣唐韓愈至潮州祭鱣魚卽此魚說文作魮魮之言逆也謂同類相害其勢爲逆又以其尾善

擊故有是名魚之善擊爲鱗猶鳥之善擊爲鷲

湛淡羽儀

注劉逵曰湛淡迅疾貌按湛淡搖蕩之貌猶澹淡也
本書西都賦澹淡浮善注澹淡隨風之貌隨風謂之
澹淡隨波謂之湛淡其義一也故下云隨波參差

刷盪漪瀾

注善曰漪盪語辭也毛詩曰河水清且漣漪今魏風
伐檀漪作猗按釋文本或作漪漢石經作兮猗兮古
通如大學斷斷兮作斷斷猗是其證然詩釋文本或
作漪則古固有以猗爲漪字者爾雅釋水河水清且
瀾漪亦作漪賦襲用之而初學記水波如錦文曰漪

遂沿其誤善以漪爲語辭讀同兮最合

魚鳥聲聑

注善曰聑聑眾聲也按玉篇聑魚乙切引左思吳都賦云魚鳥聑聑乃物蠢生也廣韻聑聑魚鳥狀據此則聑聑並魚鳥狀聑之言乙也白虎通五行篇乙者物蕃曲有節欲出是聑聑爲屈曲欲出也下云萬物蠢生正承此句言之

雷扑重淵

注善曰王逸楚辭注曰擊手曰扑按雷扑皆擊也雷扑重淵猶上云振盪汪流耳本書江賦駭崩浪而相礪善注相礪相擊也漢書陳遵傳注輻擊也雷與礪

輻音義並同向注謂其聲如雷霆分雷并爲二義甚疎

胡可勝原

五臣作原翰注何可勝說其本原之所由按翰注非也廣雅諫度也原與諫同胡可勝原言何可勝度也本書神女賦志未可乎得原王氏念孫讀原爲諫此本作原五臣乃改爲源耳漢書東方朔不可勝原句法與此相似師古亦誤解爲原本之原

島嶼縣邈

注劉逵曰島海中洲上有山石鈕氏玉樹曰嶼疑淤之別體方言云水中可居爲洲三輔謂

之淤郭注引上林賦曰行乎洲淤之浦是嶼與淤音義並合

嗟難得而覩縷

注劉達曰小雅曰嗟楚人發語端也按嗟當爲羌字之誤也本書曲水詩序注引此賦作羌小爾雅廣言篇羌發聲也與此引微異疑注小雅曰三字衍覩善音力戈切字一作羅縷本書謝靈運擬魏太子詩羅縷豈闕辭善注云王延壽王孫賦曰羌難得而羅縷羅或爲覩是羅覩古字通羅縷覩縷並一聲之轉并木敗蔓

注善曰廣雅曰跋長也烏老切按跋當作跋從長天

廣韻烏皓切音媪正字通出駮云𦵏字之譌

異荂蔭蔂

注劉逵曰蔭華也敷蔂華開貌善曰爾雅曰蔂榮也
郭璞曰蔂猶敷蔂亦花之貌也蔂與蔂同庾俱切蔂
與敷同無俱切郝氏爾雅義疏云玉篇蔂韻並云蔂
荂花貌蔂同蔂是蔂爲荂之異文蔂省作蔂蔂又敷
之借聲干寶注易說卦傳震爲萼云鋪爲花貌謂之
敷是也紹煥按本書蜀都賦陽蔂陰敷蔂對言是
蔂爲敷也敷又作敷玉篇敷花敷集韻鋪爲花貌謂
之敷本干寶易注

薑彙非一

注劉逵曰薑彙大如累彙類也易曰拔茅連茹以其
彙征吉所謂薑彙非一也旁證引姜氏皋曰本草綱
目廉薑釋名薑彙也李時珍曰異物志薑彙生沙石
中似薑大如贏然則累當作贏又通志云薑彙似山
薑而根大是薑彙乃其名也似彙不當作類字解疑
彙者讀如刺蝟爾雅釋木櫟其實球郭注有球彙自
裹也埤雅栗有棘蝟自裹羣芳譜亦云栗苞牛外殼
如蝟是可取以相證矣紹煥按薑有刺故曰薑彙謂
其刺似蝟也彙與蝟同薑蝟之蝟借作彙猶刺蝟之
蝟亦作彙耳薑彙其刺如稜然故又謂之廉薑劉以
非一字單指薑言之遂誤以彙爲類矣

東風

注劉逵曰東風亦草也出九真何氏焯曰廣韻引廣州記云東風菜陸地生莖赤和肉作羹味如酪香如馬蘭玉篇作藁風紹煥按南州記見御覽曰冬風菜陸生宜肥肉作羹二者微味人甚重之與廣州記合東作冬

扶留

注劉逵曰扶留藤也緣木而生味辛食檳榔者斷破之長寸許以合古賣灰按即牡蠣粉也與檳榔并咀之口中赤如血始興以南皆有之按廣志扶留藤緣樹生其花實卽蒟也可爲醬是扶留爲蒟矣然交州記扶留

有三種一名獲扶留其根香美一名南扶留葉青味辛一名扶留藤未審此賦何屬無以定之

𦵏兮菲菲

五臣本𦵏𦵏菲菲按五臣本是也此蓋涉上鬱兮葍茂而誤本書西都賦𦵏𦵏𦵏𦵏猗猗說文𦵏艸木白華貌重言之亦得爲𦵏𦵏𦵏𦵏菲菲重文爲句

職貢納其包匭

注劉逵曰包裹也匭結也尙書禹貢曰包匭菁茅菁茅生桂陽可以縮酒給宗廟異物也重之是故旣包裹而又纏結之一曰匭桺也按注以匭爲纏結則讀同糾後漢書張衡傳注糾纏結也匭從九聲與糾音

近史記集解引鄭康成注云甌猶纏結也劉說本此
某氏禹貢傳云甌匣也卽劉所謂一曰義也漢書地
理志包甌菁茅顏注甌桺也又案左僖四年傳爾貢
包茅不入賈逵注包茅菁茅苞甌之也賈鄭說同
繇杭杔櫨

注劉逵曰杔櫨二木名按杔亦作櫨爾雅釋文引方
志云櫨櫨栲漆相似如一蓋卽俗所謂椿也其葉類
櫨而香可啖今以鹽漬之味美櫨俗呼爲臭椿

文櫨楨櫨

注劉逵曰文文木也材密緻無理色黑如牛角口
甌有之櫨木樹皮中有如白米屑者乾擣之以水淋

之可作餅似麪交趾盧亭有之按文木烏木也郭注
大荒西經云今南方有文木亦黑木也吳氏廣注文
木卽烏木逸周書謂之閭木又古今注云鑿木出交
州色黑有文亦謂之烏木鑿烏音同黑木謂之鑿木
猶黑石謂之鑿石漢書郊祀志注鑿美黑石是也櫟
木一名莎本草拾遺櫟名莎木生嶺南山谷大者木
皮內生麪色黃白字亦作杪廣韻杪木名似桃榔其
樹出麪是櫟卽杪也北戶錄說桃榔形云其木如杪
蓋二者相似

平仲君遷

注劉達曰劉成云平仲之木實白如銀君遷之樹子

如瓠形按方氏以智曰平仲銀杏也一名櫟一名火
棗木初唐沈雲卿詩芳春平仲綠上林賦華汜櫟櫨
注引郭璞曰櫟平仲木六臣本櫟作枰又引洹記云
平仲種銀杏樹故稱平仲猶杜仲善種棉絲樹故呼
杜仲也紹煥按平仲又名橫廣韻橫枰仲木別名出
卑倉劉欣期交州記曰君遷樹子如馬乳魏王花木
志曰君遷細似甘蕉子如馬乳皆以爲似馬乳則司
馬光馬奶柿之說不爲無據然與劉成說子如瓠形
不合

楠榴之木

注劉達曰楠榴木之盤結者其盤節文尤好方氏以

智曰後山叢談嘉州產紫竹楠榴蓋木有癭瘤取其材多花斑謂之癭子木書作櫻子木譌爲影子木張紘有枌榴枕陳後主施瓦官寺有楠榴枕卽枌榴段氏玉裁云楠特枌之俗榴乃瘤之誤枌瘤之木猶今人云癭木也癭木多枌樹所生故曰枌瘤矣紹煥按說文癭腫也眾經音義十八引通俗文曰肉凸曰瘤凸卽腫也肉凸謂之瘤故樹凸者亦謂之瘤注盤結正解瘤字蓋盤結形如瘤故謂之瘤作榴同音之假不煩改字

宗生高岡

注劉逵曰宗生宗類而生於南山之脊故名宗生按

宗之言眾也聚也宗生猶下云族茂族亦聚也廣雅
宗聚也疏證云宗眾之所生故爲聚也聚與眾義相
近眾謂之宗聚亦謂之宗廣雅又云宗眾也荀爽注
易同人王逸注楚辭並同

重葩殫葉

注善曰殫重也葉重疊貌按六臣本作掩校云五臣
作掩按殫讀爲黦音晦黦黑也說文黦果實黦黦黑
也此謂葉之茂密深黑也

埴塿鱗接

注善曰埴塿枝柯相重疊貌按玉篇廣韻埴塿重累
土也土重累謂之埴塿通言之枝重累亦得謂之埴

墟說文屨後先相次也屨屨屨廣韻屨屨後先相次也謂以後次於前而相屨亦重累之義玉篇屨楚立切屨直立切埴墟與屨屨亦同

狢鼯猓然

注劉達曰異物志曰狢猓類鼯大如狐郝氏爾雅義疏曰狢余幼切卽夷由也夷由字之雙聲合之則爲狢矣劉分狢與鼯爲二非也紹煥按說文鼯鼠屬或鼯卽鼯一物二名故賦謂之狢鼯鼯與鼯同注說云云則誤以狢爲猓狢之狢矣

驚透沸亂

注劉達曰方言曰透驚也廣雅透驚也疏證云賈子

容經篇其始動也穆如倏驚倏與透通紹煥按倏與
筵同說文筵疾也段氏注云方言透式竹切透卽筵
字是也玉篇透式六切驚也又他候切跳也跳與驚
義相足今人猶言心驚爲跳矣

牢落鞞散

注善曰枚乘兔園賦曰綠葉鞞散按鞞與揮同公羊
隱四年公子鞞魯世家作揮鞞亦散也易乾六爻發
揮釋文引王肅云揮散也牢落猶遼落皆散之貌翰
注以鞞爲鞞名甚謬

桂箭射筒

注劉逵曰射筒竹細小通中長丈餘亦無節可以爲

射筒按筒之言通也中通可以貯箭故被是名說文筒通簫也許以通解筒是筒有通義也

柚栝有篴

考異曰柚當作出注中作出各本皆同柚下注油字乃五臣音以亂善耳紹煥按出栝與猶善同吳筠竹賦篴篴節篴射筒絲篴善之肅臺南方草木狀出栝竹吏民家種之長三四尺周一尺八九寸可作屋柱出交趾亦作出栝

梢雲無以踰

注劉達曰漢書天文志見梢雲其說梢如雲也善曰梢雲山名出竹按梢雲雲名旌旗亦取象焉漢書揚

雄傳右梢雲是也此言高且長之義謂梢雲無以過之本書江賦梢雲冠其標善注引孫氏瑞應圖梢雲瑞雲也人君德至則出若樹木梢梢然也宋史祥符元年封泰山天文院有青雲如竹木名梢雲卽此

榑櫨禦霜

注劉逵曰榑櫨子樹也出山中實亦如梨按爾雅劉劉杙注劉子生山中實如梨與此合吳錄地理志交趾有劉子樹出山中實如梨皆作劉無作榑者此當是誤字御覽九百七十三引正作劉

結根比景之陰

注善曰漢書音義如淳曰比景日中於頭上景在己

下故名之比景北方吏切一作北景云漢武時日南
郡置北景縣言在日之南向北看日故名旁證云此
注以上皆漢書音義文地理志日南郡比景縣如淳
日日中於頭上景在已下故名之卽此注所引郡國
志無注其字亦作比兩漢有比陽縣無比景縣惟程
氏大昌考古編以爲漢書比景當依舊唐作北景紹
煥按善注一作至故名二十六字六臣本注無當是
後人妄增

銅錯之垠

注劉逵曰錯金屬按本書南都賦注引說文曰九江
謂鐵爲錯此云金屬鐵亦謂之金廣雅金錯鐵也說

文鐵黑金也書呂刑疏云古者金銀銅鐵總號爲金是也

駭鷄之珍

注善曰孝經援神契曰神靈滋液則犀駭鷄宋均曰角有光鷄見而駭驚也按楚策楚王獻駭鷄之犀於秦王後漢書西域傳大秦國駭鷄犀注引抱樸子曰通天犀有白理如縑以盛米置羣鷄中鷄欲往啄米至輒驚卻故南人名爲駭鷄

雜插幽屏

王氏念孫曰幽屏當爲幽屋字之誤也幽屋謂山也言眾寶隱賑賑雜插於山中也幽屋猶言幽室謝

靈運登永嘉嶂山詩云懷遲上幽室是也屋與璞玉
谷黷綠爲韻作屏則失其韻矣紹煥按王氏改屏爲
屋於韻得矣而於義恐非山爲幽屋書亦少見今按
張衡溫泉賦處幽屏以閒清曹植表臣得去幽屏之
城並有幽屏字屏善音必井切與頻韻協縹緲素玉
句與下砮陟山谷爲韻屏與頻又自爲韻朱氏珩說
同見旁證
賦中多有此體屏者隱也言雜插幽隱也翰注雖在
幽僻之處幽僻卽幽隱是五臣本亦作屏

精曜潛穎

注善曰潛穎謂潛深而有光穎王氏念孫曰爾雅穎
光也善本穎字皆誤作穎五臣本不誤李周翰曰雖

在幽僻之中常頽然有異光

砬陟山谷

注善曰說文曰砬上適山巖空青珊瑚墮之

依今說文訂正

按許以砬爲古適字故以適解砬砬適聲同適則下

墮故云墮之陟亦同墮賦善正與許合周官敘官砬

族氏鄭司農砬讀爲適元謂砬古字從石折聲賈疏

云鄭謂古字從石折聲者以石投擲毀之故古字從

石以折爲聲是砬適古今字又通作折墨子耕柱篇

昔者夏后開折金於山以鑄鼎於昆吾折卽砬字謂

適金也

宋玉於是陋其結緣

王氏念孫曰宋玉當爲宋王劉逵注引史記宋有結綠是結綠爲宋之寶故曰宋王於是陋其結綠宋王與隋侯對無取於宋玉也

陵鯉若獸

注劉逵曰楚辭曰陵魚曷止王逸曰陵魚陵鯉也按陵當作鯪初學記魚部引此正作鯪今天問篇作鱗卽鯪之譌北史高祐傳袁州東郡吏獲一異獸送之京師咸無識者詔以問祐祐曰此三吳所出厥名鯪鯪餘域率無據此則吳都所賦皆方物也廣雅鯪鯪也字並作鯪疏證云今人謂其甲爲穿山甲以其穿穴山林也在陵故謂之鯪解鯪字最覈

開北戶以向日

注劉達曰南人北戶猶云北人南戶也按此承上荒
陬言則賦文云云正指極南之地淮南墜形訓高誘
注在日之南皆北向戶是也曰南皆北向戶故遂名
其地爲北戶爾雅北戶爲四荒之一史記舜紀南撫
交趾北發索隱云北發當爲北戶南方有地名北戶
抗神龍之華殿

注劉達曰神龍大業正殿名按御覽一百七十五引
建康宮殿簿云太初宮中有神龍殿去縣三里吳都
賦曰抗神龍之華殿是也

施榮楯而捷獵

注劉逵曰捷獵高顯貌按捷獵相比次也御覽三百五十七引此注捷獵列次貌不誤此出後人所改飾赤烏之韓曄

注劉逵曰赤烏建業吳大帝所作太初宮殿名也按三秦記

見御覽一百七十五

云明光殿在桂宮中皆以金玉珠

璣爲簾畫夜光明吳都賦云飾赤烏之曄曄

當作曄曄

是

也然則赤烏卽光明之別名建康宮闕簿赤烏殿在縣東北五里吳昭明宮內

東西膠葛

注善曰膠葛長遠貌魯靈光殿賦曰洞膠葛其無垠按膠葛縱橫交錯也楚辭遠遊篇騎膠葛以雜亂兮

王逸注參差駢錯以縱橫也史記司馬相如傳雜遝
膠葛以方馳兮索隱引廣雅膠葛馳驅也馳驅亦縱
橫之意

房櫳對櫳

注善曰說文曰櫳房室之疏也又曰橫帷屏風之屬
然門牕之廡通名橫櫳與櫳音義同也按說文房室
之疏作龔別出櫳檻也據詩龔櫳爲二字今並作櫳
眾經音義十二引倉頡曰櫳疏也本書鮑明遠玩月
詩蛾眉蔽珠櫳善注珠櫳以珠飾疏也橫當作櫳注
謂說文之橫與正文櫳同也七命交綺對櫳善注引
文字集略曰櫳以帛明牕也此以爲門牕之廡通名

與七命注互異橫楨古今字楨之言晃也晃晃然明也

左號彎碕右號臨砌

注善曰彎碕臨砌閣闥名也吳後主起昭明宮於太初之東開彎碕臨砌二門彎碕宮東門臨砌宮西門旁證云吳郡志引名山勝志支砌山在龍池東北吳都賦云右號臨砌也蓋山多平石故以砌名紹煥按吳志云吳後主大開苑囿起土山作樓觀加飾珠玉製以奇名右臨砌左彎碕據此則爲樓觀名明矣郡國志孫皓起顯明宮引水激之飾以珠玉有彎碕臨砌之觀說亦同

佩長洲之茂苑

注善曰漢書枚乘上書曰修沼上林園守禽獸不如
長洲之苑錢氏大昕曰盧照蘇州府志按越絕書闔
閭走犬長洲西漢書王莽始建國四年臨淮民田儀
等爲盜賊依阻會稽長洲又魏武帝對使徐詳云孤
願越橫江之津與將軍游姑蘇之上獵長洲之苑元
和郡縣志長洲縣取長洲苑爲名在縣西南七十里
或云在太湖北岸闔閭游獵處圖經亦云吳縣西南
七十里長洲鄉寰宇記引越絕書云無錫湖通長
洲多魚而清此吳之長洲也枚乘說吳澤不如長洲
之苑孟康云以江水洲爲苑服虔以爲吳苑韋昭以

爲長洲在吳東王應麟曰此廣陵之吳漢郡國志
廣陵郡東陽縣有長洲澤吳王濞太倉在此東陽今
盱眙縣庾信賦云連茂苑於海陵隋柳顧言奉和揚
子江應教詩天江都會所長洲有舊名西流控岷蜀
東汎邇蓬瀛煬帝賜諸葛穎詩參翰長洲苑侍講肅
成門大業初又詔祕書學士虞綽等撰長洲玉鏡乃
幸江都之時此廣陵之長洲也紹煥按錢說長洲最
爲分曉太沖所賦正指吳之長洲與枚乘書長洲之
在廣陵者各別

清流疊疊

注善曰韓詩曰疊水流進也六臣本注無水流二字

按六臣注本疑仍脫一疊字進正疊疊之訓廣雅釋訓疊疊進也可證而胡氏承珙毛詩後箋邶風新臺篇引此謂卽浼浼之異文考釋文云韓詩作泯泯確有明證不應又作疊疊攷異曰所引當是疊疊文王下章句甚確

儻從奕奕

注善曰奕奕輕靡之貌按奕奕盛貌此謂儻從之盛也廣雅奕奕盛也

中酒而作

顧氏炎武曰樊噲傳項羽既饗軍士中酒中酒謂酒半也呂氏春秋謂之中飲晉靈公發酒於宣孟宣孟

知之中飲而出戰國策楚王鴈張儀中飲再拜而請
凡事之半曰中左昭二十八年傳中置謂饋之半史
記河渠書中作而覺謂工之半也呂氏春秋中關而
止謂關弓弦正半而止也中酒猶今人言半席師古
解以不醉不醒故謂之中失之見口知錄紹煥按顧以中
爲半歷引諸書甚覈其外如列子力命篇得亦中亡
亦中謂得一半亡一半也魏志管輅傳豉一中注猶
言豉一半也皆以中爲半而以解此中酒爲半酒如
云酒半而起是飲不終席有何趣味仍當從顏說魏
志徐貌傳邈爲尙書郎時禁酒邈私沈醉趙達問以
曹事曰中聖人時謂酒清爲聖人酒濁爲賢者是中

酒正半醉半醒之意故蘇軾詩云公特未知其趣耳
臣今時復一中之惟漢書司馬相如傳酒中樂酣乃
可云酒半耳顏注酒中飲酒中半也師古兩注最有
斟酌

於是樂只衍而歡飫無匱

按樂只謂君子也與下都輦相對猶下云樂胥衍其
方域樂胥亦君子字詳後

士女仁胎

注劉逵曰仁胎立視也今市聚人謂之立胎按說文
胎長胎也仁胎連文仁與眊同九章思美人兮擊涕
而眊眊王注眊立悲哀眊亦眊字之假仁古無訓爲

立者詩燕燕伫立以泣傳伫立久立也楚辭疾世伫立兮怫怫王注伫停也離騷延伫乎吾將反大司命結柱枝兮延竚皆卽眈字謂長望也長望正眈字之義許云長眈是也注家皆失之

雜沓從萃

注善曰羽獵賦曰萃從允溶埤倉曰從走貌先鞅切按從萃聚也從與縱同漢書禮樂志騎沓沓般縱縱晉灼音人相從勇爲惡之從顏注縱縱眾也眾亦聚也易雜卦傳萃聚也

珠琲闌干

注劉達曰琲貫也珠十貫爲一琲鈕氏玉樹曰廣韻

十八隊韭引埤倉曰珠百枝曰韭孫權貢珠百韭韭
貫也劉注與埤倉合非韭同字紹煥按說文不收韭
字新附始有之云非五百枚也未知何據

桃笙象簟

注劉逵曰桃笙桃枝簟也吳人謂簟爲笙王氏念孫
曰笙者精細之名方言自關而西秦晉之間凡細貌
謂之笙簟爲籩條之細者故有是稱紹煥按風俗通
聲音篇物生故謂之笙方言凡草木生而初達謂之
莠莠小也是草木生皆細小謂之笙者取細小之義
故耳

蕉葛升越弱於羅紵

注劉逵曰蕉葛葛之細者升越越之細者按南方草木狀云甘蕉其形解散如絲以灰練之可紡織如絺綌謂之蕉葛藝文類聚引廣志同異物志曰見御覽芭

蕉其莖如芋取鑊煮之爲絲可紡績女功以爲絺綌

今交趾葛也蕉可爲絺綌故謂之蕉葛亦謂之葛段

氏蜀記曰邛州鎮南蕉葛上者一疋直十千見御覽又

謂之葛子潛夫論浮侈篇葛子升越是也然則蕉葛

乃甘蕉之名非葛之細矣越者紵也夏侯開國吳都

賦見御覽入織絺細越其字古作越今作絨廣韻絨

紵布是也後漢書馬皇后傳白越三千端注白越越

布也荊州記云秭歸縣室多幽閒其女盡織布至數

十升謂之升越是升越以升數得名蓋至數十升其
布極細故云弱於羅紈弱細弱也而段氏王裁以蕉
爲甘蕉葛爲絺綌又改升越爲竹越歷引諸書以訂
作升之誤其言甚辨

見經韻樓叢書

然按潛夫論葛子升越

又云筒中草布筒中謂竹布也筒中已是竹布而又
以升爲竹於義爲複其所據史記夏本紀島夷卉服
正義云東南草服葛越蕉竹之屬謂此句全用吳都
賦獨作竹不誤作升此亦非也正義止云蕉竹竹安
知非卽筒中細布乎不得據以爲卽此之竹越且升
越已見潛夫論尙書禹貢正義引吳都賦亦作升越
固確然無可疑者段氏因改賦文升字遂并改潛夫

論書正義之升爲竹所謂強經就我竊以爲不然

儼嘉舉繆

注善曰儼所立切倉頡篇曰嘉言不止也伫立切舉
繆衆相交錯之貌舉胡巧切方言曰繆猥也按儼嘉
卽馭還借聲也說文儼行貌一曰此與馭同又嘉讀
若沓集韻嘉還並達合切本書文賦紛葳蕤以馭還
善注馭還多貌亦作迨還玉篇迨還行相及也琴賦
紛儼嘉以流漫與此同舉與攬聲義並近攬擾也繆
亦擾也儼嘉舉繆疊韻字皆謂往來紛雜之貌

誼譁嗶呶

注善曰方言曰誼吁橫切通也說文曰呶呶也考異

云方言有諠音也在十二卷別無諠通也此當爲諠音也吁橫切諠與塤通今誤不可讀紹煥按塤叩猶諠譁說文嗑多言也讀若甲據許則字當作嗑叩吸也非此義廣韻作叩云塤叩眾聲也本此藏鎚於人

注劉逵曰鎚矛也按說文鉞短矛也短矛故人可藏賦義甚精荀子議兵篇宛鉞鐵鉞作鉞注鉞與鎚同矛也

純鉤湛盧

顧氏廣圻曰毛本鈞誤作鉤此賦下句言純鈞上句言吳鉤不得復明矣越絕書記寶劍篇正作鈞紹煥

按六臣本作鈞注亦作鈞

建祀姑

注劉達曰祀姑幡名麾旗之屬也國語曰建祀姑今吳語作建肥胡按肥形近祀此蓋誤肥爲祀姑作胡姑與胡疊韻肥與幡雙聲而胡幡又語之轉胡之轉爲幡猶烏之轉爲安然則肥胡之合聲爲幡也解此斷爲肥姑非祀姑矣說文幡幡胡也段氏注云吳語建肥胡韋注肥胡幡也幡卽幡字肥胡卽幡胡謂大也作祀姑誤

命官帥而振鐸

注劉達曰國語曰官帥振鐸按當作官師北堂書鈔

樂部引國語及此賦並爲官師官師經屢見無作官
帥者蓋由後人以宋本國語改之

金鄰象郡之渠

注劉達曰夫南之外有金鄰國去夫南二千餘里段
氏玉裁曰水經注金隣清渚張籍詩銅柱南邊毒草
青行人幾日到金隣鄰皆作隣古今字也紹煥按吳
物志曰

見御覽七百九十一

金隣一名金陳去夫南可二千餘

里地出金陳與隣語言之譌顏漢書揚雄傳注金隣
交趾地名

羈馱疊商

注善曰眾馬走貌按羈廣韻甫休切音彪說文羈馬

行也善注與許合字書無駮字當爲狻說文狻獸走貌禮運故獸不狻作狻王篇駮驚走貌說文駮馬疾步也駮與駮同駮狻古通禮運故鳥不狻釋文駮本作狻鄭注狻狻飛走之貌本書江賦鼓翅翻翮卽狻狻也鳥之疾飛爲翻翮獸之疾走爲狻狻對文則異散文則通

駮警警捷

注善曰駮警走疾貌按說文駮馬行相及也方言郭注駮駮疾貌漢書揚雄傳輕先雷而駮遺風顏注駮然疾意也是駮爲疾也賦文假駮爲之警亦疾也本書笙賦警警岌岌善注警警急疾貌是也亦與翼通

說文翼捷也今作翼輟雪與齷齪音義亦近見前

峭格周施

注劉達曰莊子曰峭格羅絡謂張網周遍今肱篋篇
峭作削釋文引李注削格所以施羅網集韻削音峭
削格所以施羅網本李頤注亦作削

毘蹠連網

注劉達曰毘蹠網蹠兔網莊子曰蹠所以在兔得兔
而忘蹠按爾雅釋器蹠謂之羅釋文羅本或作毘
亡巾反毘緣聲之轉是毘爲蹠苦廣雅毘兔苦也毘
又爲兔苦然本書七命布飛羅張修毘毘與羅對舉
則毘非卽羅矣善注羅或爲羅羅又與羅通羅羅亦

聲之轉蓋對文則異散文則通說文𨾏釣也卽今縉字又與此義異𨾏𨾏名也莊子外物𨾏者所以在兔釋文𨾏兔𨾏也又云𨾏兔涼也係其腳故曰𨾏然則𨾏爲𨾏名以繩係其足斯謂之𨾏矣

拔距投石之部

注劉達曰拔距謂兩人以手相按能拔引之也超踰躍也投石舉石以投擲也王翦傳曰拔距投石按正文及注拔距皆當作超距注超踰躍也可證惟引王翦傳作拔距耳此涉注引王翦傳而誤王氏念孫漢書雜志云石擲也投石猶投擲也擲亦投也廣雅曰擲投也石擲也賈子連語篇曰提石之者猶未肯止

是石爲擲也提亦擲也拔距超距也史記王翦傳方
投石超距徐廣曰超一作拔距亦超也超亦拔也投
石拔距皆四字平列管子輕重篇戲笑超距亦四字
平列劉說非也紹煥按新序楚邱先生曰投石超距
逐麋搏豹臣已老矣投石超距與逐麋搏豹對似四
字又非平列疑劉說是又按韓詩外傳投石超距下
有追車赴馬四字亦以投石爲一事超距爲一事對
追車赴馬也

趁趨玃玃

注善曰趁趨玃玃相隨眾多貌按本書嘯賦參譚雲
屬琴賦或參譚繁促趁趨與參譚同玃玃猶追逐玉

篇行相及也。𨔵𨔵與迨逌音聲近，並謂相隨馳逐之貌。

長殺短兵

注劉逵曰：廣雅曰殺矛也。今廣雅作移，按廣韻二十三錫矜矛也，引此賦長矜短兵。玉篇殺矛也，矜長矛也。集韻矜殺移並馨激切音同，故古多通用。廣韻引作矜，蓋所見本如是。

直髮馳騁

注劉逵曰：史記曰：荆軻怒髮直衝冠。金氏牲曰：宜引西京賦植髮如竿，紹煥按直與植同，植立之也。劉以正文作直，故置彼而引此。

悠悠旆旌者相與聊浪乎昧莫之垆

王氏念孫云悠悠旆旌者常作悠悠旆旆者詩曰悠悠旆旌又曰彼旃旐斯胡不旆旆是也今本卽因詩悠悠旆旌而誤悠悠旆旆皆旌旗之貌紹煥按王校是然謂悠悠旆旆爲旌旗之貌則又泥詩爲說恐非悠悠旆旆並行貌下云常沛沛以悠悠劉注沛沛行貌悠悠亦行貌旆旆與沛沛同

菴攏雷礧

注善曰菴攏雷礧崩弛之聲按菴攏當爲拉礧說文拉石聲也玉篇拉亦拉字又礧石墮也菴攏並拉礧之假雷卽礧擊聲也本書江賦駭崩浪而相礧善注

相礪相擊也礪聲也說文

依段氏改

礪石聲子虛賦礪石

相擊礪礪礪是也釋名雷礪也如轉物有所礪雷之聲也段氏玉裁曰雷卽礪礪礪用子虛賦礪石相擊礪礪礪篇韻音諧眼切古音讀如痕俗本譌作礪漢杜楊太手周憬碑斷礪礪之電波作礪周禮典同釋文引字林礪音限石聲是作礪不作礪其明證也

獸不擇音

注劉逵曰左傳曰鹿死不擇音鹿得美草呦呦而鳴至於困迫將死不暇復擇出音急之至也按鹿得美草云云皆服虔解誼文疑脫服虔曰三字本書魏都

賦棲者擇木雉者擇音與此同蓋古學相承如是自杜預讀音爲蔭而古義晦矣顧氏炎武補正從服說
頽麋麋

注劉逵曰頽絆前兩足也莊子曰連之以羈頽音聳麋大麋桂林有麋按今莊子馬蹏篇連之以羈聶頽作聶釋文云司馬向崔本並作頽崔云頽絆前兩足也此從司馬向崔本劉注音聳二字疑有譌文集韻頽聳取切或卽此音切爲丁度所本說文作頽訓同爾雅麋大麋牛尾一角郭注漢武帝郊雍得一角獸若麋然謂之麟此是也釋文麋或作麋是麋爲大麋非麋也注作麋疑涉正文麋字之譌

彈飛鵩

注劉達曰師曠曰南方有鳥曰羌鵩黃頭赤目五色備也善曰鵩音京按鵩當爲鵩字之譌也說文鵩黑色多子引師曠云云從鳥就聲眾經音義六同字亦作就中山經暴山其鳥多就漢書匈奴傳有斗入漢地生奇材箭竿就羽顏注就大雕黃頭赤目作就無作鵩者廣韻四十九脊鵩鳥名黑色多子本說文而於十三庚出鵩云羌鳥也分鵩鵩爲二與此音京並爲後人所驛

魑魍魎

注善曰爾雅曰魑白虎胡甘切按釋文引字林下甘

反又亡狄反亡狄正彪字之音然則爾雅一木作彪
說文彪白虎也虎部無彪

聿越巉嶮

注劉達曰聿越豹走貌按聿越與獠狨同鄭注禮通
云獠狨飛走之貌是也

封豨豨

注善曰豨豨聲五臣作豨段氏玉裁曰豨字求之廣
韻集韻類篇皆無有惟正韻豨轄覺切引吳都賦豐
豨豨注豨聲然從子不從女非今文選字也考之廣
韻豨許角切豨聲集韻豨黑角切豨聲又許候切字
林豨鳴也廣韻亦有去聲是豨卽豨字豨當爲豨之

異文紹煥按字當爲𤝵從𤝵豕聲𤝵卽狗之假此作
𤝵與本書東京賦龍𤝵作𤝵誤同五臣作𤝵九非集
韻狗𤝵並黑角切云狗或作𤝵說文𤝵豕驚聲也許
有𤝵無狗

覽將帥之拳勇

注善曰毛詩曰無拳無勇拳與權同旁證云陳據注
拳當作權是也注謂詩之拳與此賦之權同耳紹煥
按齊風盧令其人美且鬣鬣鬣讀爲權權勇壯也此
及𤝵權字並當作權五經文字木部權字下云从手
作權者古拳握字說文捲气𤝵也段注曰權者捲之
異體是也

與士卒之抑揚

旁證云何校抑揚改揚抑陳曰抑叶韻是也

狼跋乎紉中

注善曰毛詩曰狼跋其胡按本書西征賦善注引文
字集略曰狼狼猶狼跋也是狼跋卽狼狼言精力罷
倦之意今人猶謂精力罷倦爲狼狼羽獵賦遙矐乎
紉中遙矐亦倦也句法與此文同

麋薈無麋麋

注善曰說文麋麋也音須今說文麋鹿麋也從鹿
聲讀若便弱之便按麋卽麋之俗當音奴亂切善音
須非古也廣韻麋麋兩收一二十九換一十一虞後

人遂分麇麇爲二字二音矣

廻靶乎行邪睨

林氏茂春云行邪睨三字必有一衍想是地名紹煥按漢書揚雄傳行睨垓下與彭城行睨二字連文此蓋衍邪字耳五臣無邪字翰注云廻靶乎行視之處可證

弘舸連舳巨檻接艫

注劉逵曰舳船前也艫船後也按小爾雅船頭謂之舳船尾謂之艫劉注本此今按說文舳船尾艫船頭方言舟首謂之闔閭閭卽艫也又曰舟後曰舳所以制水也郭注今江東呼舳爲舳與說文合蓋舳爲

船後持舵處舳者軸也如車之有軸以利轉也舳在舟尾則艚爲船頭可知艚者艚也說文艚音骨也首骨謂之顛故船首亦謂之艚本書江賦舳舳相屬善注亦云舳舟尾也艚船頭也

槁工楫師

注劉達曰方言曰刺船曰槁今方言所以刺船謂之槁作橈攷異曰尤本取方言故篙爲槁而又誤成槁也紹煥按六臣本作篙楫作楫御覽七百七十一引作篙說文無篙字新附始有之戴氏震謂釋名所用斥旁岸曰交交卽槁一聲之轉

鰓鱗魛

攷異曰鱣字誤劉與善皆無注袁茶陵二本音所買
反西京賦鱣鰻魴薛注云鱣網如其形狹後廣前善
曰纚所買反蓋此賦字本與彼同故善不更注紹煥
按纚之言灑也用網投水中如灑然故遂名網爲纚
史記司馬相如傳落英幡纚讀如灑謂分汎之意

巢鰓鰕

注劉逵曰鰓抑魚之器也胡氏承珙曰古櫓巢同義
禮運夏則居櫓巢鄭注云聚柴薪居其上廣雅櫓巢
也大戴禮鷹隼以山爲卑而櫓巢其上皆是御覽引
風土記罾樹四木而張網於水車輓之上下形如蜘蛛
之網方而不圓蓋罾本樹木爲之其高如巢故得

巢名則巢卽罾乃自下舉上之物非抑魚之器劉注
恐誤紹煥按胡說極是卑雅引淮南子云罾者抑之
罾者舉之劉以罾爲抑魚器是混罾爲罾矣漢書陳
勝傳顏注罾魚網也形如抑繖蓋羅而舉之與風土
記說合今人猶謂以罾取魚爲罾魚罾者高也罾之
爲罾猶櫟之爲櫟耳

沈虎潛鹿

注劉逵曰虎魚頭身似虎或云變而成虎鹿魚頭有
角似鹿按異物志云御覽八百八十八引東海有虎錯魚皆化
虎上岸食人卽吳都賦所謂沈虎潛鹿也

罾櫛偕束

注善曰爾雅曰鰩大鰩又曰鰩兼有也今爾雅無鰩
按廣雅鰩有也亦無兼字惟說文有部鰩兼有也疑
上爾雅曰爲說文曰故下又曰鰩兼有也後人見爾
雅有鰩大鰩逕改說文二字爲爾雅妄矣鰩古籠字
說文革部鞵轡鞵一曰鰩頭繞者玉篇鰩馬鰩頭蓋
羈絡之名

則𦉰費錦纈

注善曰𦉰費錦文貌按爾雅釋詁懿美也𦉰與懿同
作𦉰同音之假楚辭招魂費白日些王注費光貌說
文斐分別文也引易曰其文斐也今易作蔚費與斐
蔚音義並近皆謂文貌

相與昧潛險

注劉達曰昧冒也善曰說文曰昧目不明也門撥切按說文目部昧昧兩見並云目不明也善音門撥切則字從本末之末與劉讀異竊疑昧當讀莫佩切音妹與冒爲疊韻漢書司馬相如傳毒冒顏注冒音妹是昧冒音同劉注昧冒也以疊韻爲訓昧之爲冒古義皆如是左襄廿六年傳楚王是故昧於一來言冒於一來也故杜注云昧猶貪冒今俗猶云冒險矣數軍實乎桂林之苑饗戎旅乎落星之樓

注劉達曰吳有桂林苑落星樓樓在建業東北十里按六朝事迹引寰宇記云桂林苑在縣北落星山之

陽左太沖吳都賦數軍實於桂林之苑卽此地也御覽一百七十六引金陵地記云吳嘉禾元年於桂林苑落星山起三層樓名曰落星樓

飛輕軒而酌綠醴

注善曰湘州記曰湘州臨水縣有酈湖取水爲酒名曰酈酒旁證云依注作酈爲是綠當作綠桂北魏曰荊州記淶水出豫章康樂縣其間烏程縣有井官取水爲酒與湘東酈酒年常獻之世稱酈淶鄒陽酒賦曰其品類則沙洛淶酈紹煥按口國志酈湖在衡陽府城東其水湛然綠色取以釀酒極佳晉武帝薦之太廟吳都賦飛瓊觴而酌酈醴卽此輕作瓊觴

登東歌

注劉達曰晏子春秋桀作東歌旁證云文心雕龍樂府篇夏甲歎於東陽東音以發劉子亦云夏甲作破斧之歌始爲東音夏甲是孔甲不作桀與此異

吳愉越吟

注劉達曰楚辭曰吳愉蔡謫五臣作飲今招魂亦作飲廣雅飲吟歌也

與夫唱和之隆響動鐘鼓之鏗聒有殷坻磧於前曲度難勝

注劉達曰解嘲曰聲若坻磧頽坻頽崩聲也天水之大坂名曰隴坻因爲隴坻之曲王氏念孫曰與夫二字

乃一舉字之誤舉亦動也舉唱和之隆響動鐘鼓之
鏗聒句法正相對有殷坻頽於前於前二字後人所
加有殷坻頽言其聲殷然如坻頽句法與詩有瀾濟
盈有鷺雉鳴相似有殷坻頽度曲難勝皆以四字爲
句紹煥按說文氏巴蜀名山岸脅堆旁藩欲落墻者
曰氏氏崩聲聞數百里揚雄賦響若坻頽此注引解
嘲云云釋曰坻頽崩聲也與說文合注又曰天水之
大坂名曰隴坻則讀坻爲隴坻之坻許隴坻作坻坻
頽作氏二字分晰甚明不可混而以隴坻爲曲名亦
所未聞

皆與謠俗什協

注善曰汁猶叶也按汁協一字方言自關而東曰協
關西曰汁爾雅太歲在未曰協洽史記厯書作汁洽
重字疊用文人往往如此

或超延露而駕辨或踰綠水而采菱

延露駕辨綠水采菱皆古曲名則賦文兩而字當讀
爲與謂超延露與駕辨踰綠水與采菱而與一聲之
轉綠當作淥

魯陽揮戈而高麾

注劉逵曰淮南子曰魯陽公楚將也與韓遘戰酣日
暮援戈而麾之日爲之反三舍何氏焯曰無揮麾連
用之理揮當作援紹煥按注引淮南子作援戈正文

特傳寫謫耳

闔閭信其威

六臣本信作申按信古伸字通作申善從古作信

繞雷未足言其固

注劉達曰漢書王莽策命前將軍曰繞雷之固南當荆楚按見王莽傳顏注云言四面塞阨其道屈曲谿谷之水回繞而雷也其處卽今商州界七盤十二繞是也

樂胥衍其方域

按胥當爲胥樂胥謂君子也小雅鴛鴦君子樂胥說文衍喜貌此謂君子喜其方域正與下列仙相對以

樂胥爲君子猶以曾是爲在位以馴致爲道詞家割
列成文往往如是

剖判庶士

旁證云何校士改士紹煥按庶士見書庶士見詩孫
氏志祖謂當作士兩校不同

傾神州而輶櫓

注善曰禹所受地說書曰崑崙東南方五千里名曰
神州按說疑記字之誤玉海五十七三禮義宗明天
地歲祭義引禹受地記云崑崙東南五千里之地謂
之神州與善注合史記張騫傳天子按古圖書名河
所出山曰崑崙王逸離騷注引禹大傳曰消槃之水

出崦嵫之山大宛傳禹本紀言河出崑崙其高二千五百餘里然則受地記禹大傳及古圖書蓋皆卽太史公所謂禹本紀者歟

亦猶棘林螢耀與夫檮木燭龍也

注劉逵曰山海經曰檮木長千里按正文及注檮皆當作尋本書東京賦尋木起于蘗栽善注引山海經作尋

藏理於終古

孫氏志祖曰理當作埋

若吾子之所傳

王氏念孫曰吾者東吳王孫自謂也子字後人誤加

耳向注如我所傳則吾下原無子字甚明

孟浪之遺言

注劉逵曰孟浪猶莫緒也不委細之意莊子曰夫子以爲孟浪之言而吾以爲妙道之行善曰司馬彪莊子注曰孟浪鄙野之語按釋文引李頤曰孟浪猶較略也較略卽約略與莫緒音義並同猶今人言約莫矣卽不委細之意約莫合之則爲推故步渡謂之略約亦謂之推

文選箋證卷六